

مستطابق

محل مطبعه و اداره :

جغسال اوغلانده امنيت

صندوغى جوارنده

شنكول يقوشنده

۲۲ نومرو

اخطار :

مسلكمزه موافق آثار

جدید مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشوره اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخیسی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندربلیرسه سنوی

۲۰ غروش فضله آلنیر

سنه لکی	التی آیلغی	غروش
مملک عثمانیه ایچون	۶۵	۳۵
روسیه	۶۵۰	۳۰۵
سائر ممالک اجنبیه	۱۷	۹

عدد : ۱۱۲

۲۳ شوال پنجشنبه ۱۵ تشرین اول ۳۲۶

بشنجی جلد

لکړی وار ، و بډه اخلاقک بوزولمسی نتیجه سی اوله رق خطالره دوشولمش در . مع مافیه اوده کیتدکجه ، اوروپا ايله اختلاط سایه سنده زائل اولاجق در . بر ملت که حقنده (لوکان العلم فی الثریالنه الفرس بیورلمش در . علمه او قدر مقنون بر ملتک هیچ بروقت آتسندن نومید اوله مام .

بر مسئله دهاوارکه ایران ایچون اسباب سعادتدن صایلیلر : خونی ، لسانی و عرقی اوله رق ملت واحده اولمسی در . بونک ده بیوک بر قوت تشکیل ایتدیکنی سامعین کرام حضراتی تقدیر بیورورلر . بر باشقه کیفیت دها وارکه ایرانک آتسی ایچون امید بخش در . ایرانده یشایان عشائرک ، شهرلره اختلاطی آز اولان عشائرک حسن اخلاقی محافظه ایتلری ، فضائل فطریه لرینی هر نوع تعرضدن مصون بولوندیرمش اولمسی در . بو عشائرک اخلاقی دها تمیزدر . بډه بر قوت تشکیل ایدر . حسن تربیه ايله بونلر کوزل بر عامل اوله بیلیر .

والحاصل - قیصه کسه لم - بر مملکت که اوزون بر قدمه مالکدر ، مدنیت و انسانیت بر چوق خدمتی سبق ایتشدیر ، بر چوق ادب ، شعرا ، حکما یتشدیرمشدر ، اسلامه ایتدیکی خدمتده عربک کسندن اکسیک دکل ، هر هانکی بر یولی اله آلمش سه توسیع ایتش ، کندی ملیت و قومیتی اوکا درج ایدرک مال ایدیش ؛ بویله بر ملتک البت یشایه جفته امیدوار بولنورم .

کچمش خطالره ینه بر دها دوشمه مک اوزره بو حادثاتی اینه لظه مد'ر اوله جق وقوعات قییلندن عد ایدرم ، و بویله اوله جفته ده امید وارم [آلفیشلر]

توفیق بک افندیکنک لطفی

بونی متعاقب دبستان ایرانیان مدیری توفیق بک افندی ینه قارا بک حضرتلری طرفندن سامعین کرامه تقدیم اولوندی . توفیق بک :

« رفیق محترم حسین دانش بک ایرانک احوال تاریخیه سندن خلاصه " بحث ایتدیلمر ، بنده کز بو بابده بر آرز دها تفصیلات ویرمک ایسته یورم . شو قدرکه لطوق اولمدیغم ایچ-ون یازدم ، مساعده بیورولورسه او قوییم »

دیه بر مقدمه یابدقن صوکر ، ایرانک تا ادوار ابتدایه سندن باشلا بوق کچریدیکی صفحاندن بحث ایدرک وهر دورده یتیشن حکمداراندن اسملریله خبر ویره رک بر مصاحبه تاریخیه یابدیلر . بیوک بر احاطه ، درین بر تتبع ايله بیکلرجه سنه لک وقایی ذهنلرده تقریر ایده جک صورته یازیلان بو مقاله نفیسه تاریخیه بر مجموعه علمیه صحیفنی بحق ترین ایدر اولدینی حالده بوراده سامعینک تهییج ، اندیشه ناک حسیاتی اوزرنده لازم کان تأثیری یاپمیدی ، بونک فرقته واران توفیق بک افندی مناسب بر یرنده کسه رک آتیده کی جمله لره مهم بر مسئله اوزرینه جلب انظار ایلدی و شدتلی آلفیشلره مظهر اولدی : ایسته ، افندیلمر ، بو قدر اوزون بر تاریخه مالک اولان ایران هیچ بر زمان اجنبی بویوندوروغی آلتیه کیرمه مشدر . بونک ده اک

مهم سببی ، ایرانک بتون مناسبیه ملت واحده اولمسی در . ایرانده اختلاف عناصر یوقدر . یکانه بر عنصر واردرکه اوده ایران ملتی در . افکار ، منافع ، وغایه آمال بر در . اتحاد و اتفاتی دائمی در . واقعا بعضاً - جهلدن ناشی - آرهلرنده اختلافلر ظهور ایدرسده ، بو احوال داخلیه منحصردر . خارجدن بر دشمنک هجومی حس اولونجه بتون خصومتلری بر طرفه براقه رق دشمن قارشوسنده یکوجود ، شجیع ، فداکار بر کتله متحده کورولور . اجنبی بر عنصرک ایرانده یرلشه بیلیمسی ممکن دکلدر . چونکه اجنبی کیرنجه زائد بر عنصر اولور . ایران اوله ظن اولوندینی کبی برلشمسی قابل اولماز مختلف ، پریشان قوتلردن عبارت دکلدر . بونلری طوپلامق بر کله یه باقار . اوتهدن بری ایرانلیلر نجفده کی علمای اسلامه مربوط اولدقلری ایچون اهالی اوزرنده اولرک بیوک تأثیری واردر . بر کره او علمای کرام (وجاهدوا فی سبیل الله) دیه جک اولورلر سه بتون ایران قیام ایدر وقانلرینک صوک دامله سنه قدر دشمنله اوغراشیر .

مع مافیه مقصدم بو دکل ، ایران هر حاده ایرانه مالک اوله جقدر . چونکه دیگر عناصرک اوراده یرلشه بیلیمسی قابل دکلدر . تاریخ بونک شاهدی در . کیم ایسترسه تجربه سنی یاپسون . نیجه اعظملر ، فداکارلر یتشدیرن ایران ، ینه او ایران در . نیجه خارقه لر کوسترن ملت ، ینه او ملت در ... [آلفیشلر ...]

کردستانه ایرانی شیخ الاسلام افندی حسن افندیکنک لطفی

بوندن صوکر ، ملت اسلامییه بر چوق خدمات نافع سی سبق ایدن کردستان ایرانی شیخ الاسلام سابق فاضل و محاهد محترم حسن افندی حضرتلری طرفندن فارسیجه مهم بر نطق ایراد بیورولدی . عموم سامعینک بو لسانه واقف اوله نامسنی نظر دفته آلان فاضل محترم سوزی مهم جمله لره خلاصه ایدرک ، آلفیشلر ایچنده ، عالم جان افندی یه ترک ایتدیلمر .

عالم جان افندیکنک لطفی

عالم جان افندی ، منور الفکر کنج ، صاف وسوعلی سیالی بوتاتار کنجی ، بو محترم قارداش مزده صمیمی آلفیشلره استقبال اولوندی .

سامعین کرام حضراتی ! - دیه باشلادی -

بنده کز ایرانک تاریخ قدیمه و حال حاضرینه دائر تفصیلاته کیریشه جک دکل . زیرا خطبای کرام حضراتی بونا بده سوینلنه جک سوزلری کال بلاغت و طلاقله سوویه دیلمر . بن آنجق بو صوک کونلرده انکلتزه حکومتی طرفندن اعطا اولنان اولتیا توم سبیلله حاصل اولان تأثر و انفعالمزلی اظهاره جصر مقال ایدم جکم .

انکلتزه حکومتک ایران حکومتیه بر اولتیا توم کوندروب اوچ

وقعه‌یه قارشی بتون بترنه اغماض عین ایده‌یه جکری آشکاردر .
بردها تکرار ایدیورم ، محترم قرداشلر مزك تك برفرد قالنجه‌یه
قدر وطن وحیثیت اوغورنده فدای جان ایده‌رك مفتخرانه شراب
شهادتی نوش ایلمه‌لری ، ذیلاننه دشمن آیانغی التنده ازیلمه‌دن یوزبیک
دفعه مرجحدر . [آلقشلا] وبالجمله ایرانی قرداشلر مزك ده بواعقاده
بولندقلرندن امینم . فیلسوف شهرابوالطیب‌المتنبی : «ان المنیة عندالذل
قندید « بیوریورلر ، يك طوغریدر . [آلقشلا]

شمعی آرالرنده بدرجه اختلاف اولدینی ظن اولنان قبائل
مختلفه او آنده متحدا حرکت ایده‌رك مدافعه وطن ایچون شتابان
اوله جقاری شك وشبه‌دن وارسته‌در .

حقیقی صورته انسانیت وعدالت پرور اولان دولتلرک - اکر
وارسه - الیوم‌القیام دوام وبقالری و بویله انسانیت و مدنیت پرده
ریاکارانه‌سی آلتنده طاقت بشریه‌ك تحمیل خارجنده اولان انواع
مظالمی زواللی وضعیف انسانلره تطبیق ایتمکه بولنان دول ظالمه‌ك
بر آن اول محو واضمحلال‌لری غنی ایده‌رك ختم کلام ایدرم [سورکلی آلقشلا]

سباح شریع عبدالرشید افندی حضرت تبریک نطقی

سامعین کرامک حساس تلرینه طوقونان عالم جان افندیك نطقی آلفیشلره
تشبیح اولنورکن عبدالرشید افندی حضرتلری ، او سنه لردنبری عالم اسلامک
انتباه و تعالیسی ایچون مجاهده‌لرده بولونان ، بتون شرقی کزن ، حقیقه تدقیق
ایدن ، عموم مسلمانلری یکدیگرندن خبردار ایتکه چالیشان ، بو اغورده حیاتی بیله
فدادن چکنمیان محترم مسلمان مجاهدی موقع خطابه‌ده طلعت افزای مهابت اولنجه ،
هر طرفدن آلفیش طوفانی قوپدی . هان بتون سامعین کراجه آشنالی بولنان
وبلکه شیمدی‌یه قدر یوزلرجه ، بیکرجه خطبه‌لر ایراد ایدن بو ممارسه‌لی خطیب
کمال هیئتله سلام ویردکن صوکر طاشقین ، جوال نظرلریله اطراف بر
سوزدی . سرت و هیجانی بر افاده ایله سوزه باشلادی :

بوکون ، دیدی ، اورته‌لرده بر ایران مسئله‌سی دونیورکه بنم
فکرکجه بو بر حیات مسئله‌سی در . بوکون ایرانی قارداشلر مزك جانلرینه
تسلط ایدن یرتجی پنجه‌لی قارتالار هر ایکی طرفدن شرقی قوشا‌تمق
مانوره‌سنه ایتدار ایدیورلر . بونک ایچون بن بو مسئله‌یه یالکیز بر
ایران مسئله‌سی نظرله باقمیه‌جیم . بلکه بو بتون حقیقتیه ، بتون
عریانلیقه بر شرق مسئله‌سی در .

بونک نتیجه‌سی بتون شرق عاننه تأثیر ایلمه‌جکدر . بو بر مقدمه -
الاستیلادرکه بتون اقوام شرقیه‌یی دوشوندیرسه یری واردر .

بوکون ، مدنیت و انسانیت نامنه دست تجاوزلری اوزاتمه
تشبث ایدن بو آج دولتر ، یارین ظلم وغدرلریله بتون شرقی حیوان
کی اسارت التنده ایکلتمک ، اولدورمک ، محو ایتک ایچون قد
منهاده مصیبت اولیورلر . بونلرک سیاست ظالمانه‌سنی بتون جهان
بیلیر . باشقه‌لرینک ملککنده جزئی بر مسئله واقع اولونجه دایما
انسانیت نامنه اورته‌لغه آتیلیرلر ، اما کندی ملککنده کی مظالمی
کورمزلر . [شدنی آلقشلا]

چوق دکل ، ده‌ها کچن سنه‌لر روسیه‌ده ، پایتختده ، نفس

آیه قدر جنوبی ایرانده سکون و آسایش تمامیه تقریر اولمادینی تقدیرده
بالذات مداخله ایده‌رك مختل اولدینی فرض اولنان آسایشی تأمین
ایتمک ایسته‌دیکنی بیان ایتسی ، ده‌ها طوغریسی بویله بروجه ظاهری
کوسترمک من‌القدیم اضمار ایتدیکی منویاتی تطبیقه قالدشمسی ، دکل
یالکیز اسلاملری ، بلکه بالجمله حس انسانیدن بهره‌دار اولان هر فرد
بشری صوک درجه متأثر و منفعل ایتدیکی هرکسک معلومیدر .

بز روسیه‌لی اسلام کنجاری ایسه . بتون ایرانی قرداشلر مزه
انسانیت و اسلامیت کی ایکی بیوک رابطه قویه ایله مربوط ، حتی
یکوجود دنیله جک درجه‌ده متحد اولدیغمدن طبیعیدرکه بو فلاکت
آمیز خبردن ک زیاده متأثر اولانلر جمله‌سندز . [آلقشلا]

بو تأثر او درجه‌یی بولمشدرکه بوکون انکلتزه حکومتک
بو حرکتی ، ده‌ها طوغریسی انکلتزه و روسیه حکومتلرینک برلشدرک
بیکرجه سنه‌لردن بری پایدار ، يك بیوک وشانی ماضی‌یه مالک اولان
قوجانان ایرانی ایکی‌یه تقسیم ایدوب التقام ایتک ایسته‌دیکلری بتون
موجودیتلره رد ایتدی کمزی کیزله میهمقدرد اوله میهرق اظهار ایدیورز .

اوت ، انسانیت خدمت نامی آلتنده اجرا اولنمق ایسته‌نیلن بو
مظالم و بو تخریباتدن بتون روحله نفرت و مسیبلرینه‌ده لغت ایدرز .
نصل ایتیمکه ایرانک جنوبنده بش آلتی انکلیزک منافع اقتضا -
دیله‌لی سسکته‌دار اولدینی بهانه اتخاذا اولنهرق میلیونلرجه اهالی
اسلامیه‌ك آلیق آلمده چین-نوب تحت اسارته آلفاسی روسلره
حریت ، انسانیت و اخوت نامنی طاشیان انکلیزلر طرفندن آرزو
اولیور . هانکی بر قاعده حقوقیه وارکه بو حرکتی تجویز ایتسون ؟
هانکی بر اسلام نامنی طاشیمیه لایق فرد وارکه بو تشبثی تصویب
ایلسون ؟

بوکون ایران حکومتی چته‌لر تشکیل ایدوب واونلر ده‌میلیونلرجه
تخصیصات و یروب انکلتزه و روسیه داخلمه طاغتمیورکه بویله بر حرکت
مستحق اولسون . کندی مملکتک اصلاحیه کندی اوغراشیور .
ایرانلیرک حریت قزاندقلری آنجق اوچ سنه‌در . بویله بر حریتی
قزاتمق ایچون فرانسه مات کی صاحب عرفان بر ملت تام بر عصر
اوغراشدینی حالده بالنسبه جاهل اولان ایران قومک اوچ سنه
ظرفنده حریت وعدالتی مملکتلرینک بالجمله نقاطنده تأسیس و تطبیق
ایتمکلی و ایده‌مدکلی وسیله اتخاذا ایدیلرک بشقه‌لری طرفندن
ضبط و استیلا ایدلک کی بر حرکتی ، طوغریسی وجدان انسانیت
تجویز ایتمز .

شوراسی جای تسلیدرکه بوندن ۲۷ سنه اولکی انکلتزمنک مصر
حرکتی بتون عنعناتی ایله میدانده بولندیشدن ایرانی قرداشلر مز
بو حرکتی قارشی هر درلو تدابیره توسلدن صکره ایجاب ایدرسه صوک
طامانه قانلری آتمق صورتیه مقابله‌ده بوانورلر امیدنده یز ویکانه
چاره‌ده بودر . بوندن ماعدا بو حرکت ظالمانه‌یه قارشی تکمیل عالم اسلامک
لاقید قالمه‌سی امکان خارجنده اولدینی کی ، دیکردول معظمه‌ك ده بو